



UPRAVA POLICIJE

Broj: 05-04/06-11-198/23/RS
Datum: 23.02.2023. godine

Na osnovu člana 17. stav (3) i stav (4), člana 18. stav (1) i člana 90. Zakona o javnim nabavkama BiH („Službeni glasnik BiH“, broj: 39/14 i 59/22), te člana 26. Zakona o unutrašnjim poslovima Unsko-sanskog kantona („Službeni glasnik USK-a“, broj 13/16 i 16/17), načelnik Sektora kriminalističke policije Uprave policije MUP USK-a, **d o n o s i**:

POSEBNU ODLUKU
o pokretanju postupka nabavke putem direktnog sporazuma

Član 1.

Odobrava se pokretanje postupka nabavke usluga stalnog stručnog nadzora nad isporukom i ugradnjom opreme, te izvođenjem radova za sistem videonadzora javnih površina i raskrsnica u gradu Bihaću za potrebe Uprave policije Ministarstva unutrašnjih poslova USK-a.

Član 2.

Procijenjena vrijednost nabavke iz člana 1. ove odluke iznosi 6.000,00 KM bez PDV-a.

JRJN:

79714000-2 Usluge nadzora

Zakonski osnov za provođenje postupka javne nabavke predstavlja član 90. Zakona o javnim nabavkama.

Postupak nabavke putem direktnog sporazuma sprovede će se zaključenjem ugovora sa ponuđačem za predmetnu uslugu.

Član 3.

Sredstva za ovu nabavku obezbjediće se iz budžeta Uprave policije MUP USK-a za 2023. godinu.

Član 4.

Za realizaciju ove odluke zadužuje se Sektor za materijalno-finansijske poslove i informacijsko-komunikacijske tehnologije Uprave policije MUP USK-a.

Član 5.

Ova odluka stupa na snagu danom donošenja.

O b r a z l o ž e n j e

Članom 3. zaključenog ugovora o nabavci robe – opreme sa ugradnjom i izvođenjem radova za sistem videonadzora javnih površina i raskrsnica u gradu Bihaću propisana je obaveza Investitora (Uprave policije MUP USK-a) da osigura stalni stručni nadzor imenovanjem Nadzornog organa o čemu će obavijestiti Izvođača. Nadzorni organ je ovlašten da se stara i kontroliše: da li Izvođač isporučuje i instalira opremu i izvodi radove prema tehničkoj dokumentaciji, provjeru kvaliteta izvođenja radova, primjenu propisa, standarda, tehničkih normativa i normi kvaliteta, kontrolu kvaliteta opreme i materijala koji se ugrađuju, daje tehnička tumačenja eventualno nejasnih detalja u projektu potrebnih za izvođenje radova u duhu uvjeta utvrđenih ugovorom, kontrolira dinamiku napredovanja radova i ugovorenog roka završetka radova, ocjenjuje spremnost i sposobnost radne snage i sredstava rada, kao i da vrši druge poslove koji proizlaze iz važećih propisa i spadaju u nadležnost i funkciju nadzora.

Izvođač je dužan da omogući provođenje nadzora i da postupa po uputama Nadzornog organa.

Pri obavljanju nadzora Nadzorni organ dužan je poštovati investiciono-tehničku dokumentaciju, te obaveze Investitora i Izvođača stvorene ovim ugovorom.

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22) predviđeno je da ugovorni organ započinje postupak javne nabavke ako je nabavka predviđena u planu nabavki. Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz Plana nabavki.

S obzirom da je predmetni postupak nabavke pokrenut ranije, a nije donešen Plan nabavki Uprave policije za 2023. godinu, Ugovorni organ je donio posebnu odluku o pokretanju postupka javne nabavke u skladu sa članom 17. Zakona o javnim nabavkama BiH.

Po procjeni Sektora za materijalno-finansijske poslove i informacijsko-komunikacijske tehnologije utvrđeno je da je ova odluka osnovana, odnosno da su stečeni svi potrebni uslovi za odlučivanje.

Na osnovu utvrđenog činjeničnog stanja, odlučeno je kao u članu 1. ove Odluke.

Dostavljeno:

1. Sektor za mat.-fin. poslove i IKT (za objavu)
2. a/a



NAČELNIK SEKTORA
KRIMINALISTIČKE POLICIJE
samostalni inspektor

Jusuf Mešić